

四庫全書

集部

欽定四庫全書

御定歷代題畫詩類卷四十四目錄

故實類

題太真春睡圖 元岑安卿

題楊妃春睡圖 元楊維禎

題太真睡起圖 元吳景奎

楊妃春睡圖 明徐渭

楊妃春睡圖 明田登

題貴妃春醉圖 明胡直

楊妃醉仆圖 明周鼎

楊妃醉歸圖 明周鼎

貴妃夜遊圖 宋方岳

題楊妃出遊圖 明李東陽

太真玩月圖 明陶安

貴妃妙舞圖 明解縉

題畫楊妃調鸚鵡圖 元周伯琦

太真教鸚鵡圖 元馮渭

太真上馬圖 元朱德潤

楊妃上馬圖 元吳師道

楊妃上馬圖 元鄭元祐

題玉環聯轡圖 元宋無

楊太真剖瓜圖 明吳寬

周昉畫楊妃禁齒圖 元王惲

華清曲題楊妃病齒 元薩都拉

玉環病齒圖

元宋無

楊妃舞翠盤圖

明謝承舉

虢國夫人夜遊圖

宋蘇軾

次韻虢國夫人夜遊圖

宋李綱

題虢國夫人夜遊圖

元姚樞

題虢國夫人早朝圖

明詹同

題虢國夫人宴歸圖

明沈周

題虢國夫人夜遊圖

明文徵明

秦虢夫人走馬圖

宋蘇轍二首

題秦虢二夫人承召遊華清宮圖

元虞集

題黃門飛鞚圖

元王惲二首

題崔婦乳姑圖

明廖道南

題杜韋娘圖

元華幼武

紅葉圖

元華幼武

題唐宮題葉圖

元雅勒呼

題紅葉題詩圖

元朱德潤

題美人書紅葉圖 明劉基

美人紅葉圖 明王佐

題紅葉仕女 明談震

題流紅圖 明林敏

盼盼燕子樓圖 明瞿佑

題主人壁間樊素小蠻圖 明石沆

題花蕊夫人像 元于立

朝雲誦偈 明瞿佑

題蘇小小像 元于立

題劉平妻胡氏殺虎圖 元王惲

再題胡烈婦殺虎圖 元王惲三首

為古紹先題劉平妻胡氏殺虎圖 元張翥

胡氏刺虎圖 元楊載

平妻殺虎圖 明程敏政

題高宗二劉妃圖 元潘純

御定歷代題畫詩類卷四十四目錄

欽定四庫全書

御定歷代題畫詩類卷四十四

故實類

題太真春睡圖

元
岑安卿

東風吹香蕩晴晝長
安宮殿花如繡
海棠一枝輕折紅
淑氣薰蒸困醇酎
太真徙倚沉香亭
宿醒未解春冥冥
眉峰斂翠翳秋色
侍兒夾擁花娉婷
玉牀膩滑芙蓉展
水沉煙裊金屏暖
丹腮融潤珊瑚溫
寶釵斜簪烏雲綰

上皇玉笛那敢吹地衣紅皺韉輕移傳令別殿罷歌管
流鶯不語游絲垂漁陽鼙鼓邊城動臺閣無言卿士憎
婦人一睡四海昏主闇臣諛總如夢翠華西狩九廟隳
禍胎未翦三軍疑馬嵬之夢生死訣一時悔禍人心歸
驪山舉燧供歡笑犬戎蹴踏周原草丹青誰寫春睡圖
後世不須箴大寶

題楊妃春睡圖

元
楊維禎

沉香亭前燕來後三郎鼓中放花柳西宮困人春最先

華清溶溶煖如酒，雪肢欲透紅。
薔薇錦襠卸盡流蘇幃，
小蓮侍擁扶不起，翠被卷作梨雲飛。
蟠龍髻重未勝綰，
燕釵半落犀梳偃。
晚漏壺中水聲遠，
簾外日斜花影轉。
琵琶未受宣喚促睡，
重挾腰春正熟。
不知小棚思塞酥，
夢中化作銜花鹿。

題太真睡起圖

元
吳景奎

興慶池邊花爛爛，清平調裏思飄飄。
玉環睡起嬌無奈，
背立東風酒半消。

楊妃春睡圖

明徐渭

守宮夜落臘脂臂玉階草色蜻蜓醉花氣隨風出御牆
無人知道楊妃睡皁紗帳底絳羅委一團紅玉沉秋水
畫裏猶能動世人何怪當年走天子欲呼與語不得起
走向屏西打鸚鵡為問華清日影斜夢裏曾飛何處雨

楊妃春睡圖

明田登

長生殿屬春殘後春風亂拂宮門柳花奴念奴競霓裳
君王飲醉玉環酒梨花帶雨壓薔薇雲鬢不整倚羅幃

玉容慊慊點猩脣香魂漫逐蝴蝶飛落花飛絮總不綰
鬢歌釵嬾梳半偃蛾眉春困苦不勝翠袖頻翻拂杏臉
流鶯啼破夢初回報道君王來玉輦君道海棠花睡熟
玉笋纖長抱凝玉和來玉屑仙盤露渴心奈夢含花鹿
題貴妃春醉圖

明
胡直

歌罷霓裳一曲歡酒醺無力上雕鞍侍兒扶起雲鬟側
喜得君王駐馬者

楊妃醉仆圖

明
周鼎

妖環不醉三郎醉銀燭高燒看海棠滿地閒雲扶不起
楚臺無夢夢漁陽

楊妃醉歸圖

明周鼎

金鞍欲上更遲遲滿鐙春風擁侍兒一種餘酣消未得
漁陽醒眼却多時

貴妃夜遊圖

宋方岳

鳳韉又上玉花驄恩在君王一笑中三十六宮瑤草碧
不知多少恨春風

題楊妃出遊圖

明
李東陽

沈香亭前春日裏海棠睡足風吹起玉驄馱醉出華清
頭上綠雲嬌不理內人宣索已多時金鑾供奉來何遲
有誰並轡復顧笑不是秦姨定虢姨階頭奚官執鞚走
問渠合是安郎否不然那得近前行祇許籠禽隨吠狗
君不見馬嵬坡下蛾眉愁可憐白骨埋荒丘柳絲難綰
芳魂住應從君王萬里遊

太真玩月圖

明
陶安

華清浴後上龍樓得與冰娥共素秋
貌對妝臺金照面
光含宮髻玉搔頭
梨園微樂承歡暇
桂闕當天為我留
翠輦何緣不同到
宵衣應是罷宸遊

貴妃妙舞圖

明解縉

太真選入明光宮
龍髯天子夢寐慵
家遷將相李林甫
門喧市井楊國忠
大家醉眼看榜落
雙持玉節敲梧桐
鳳凰去矣不復至
獨舞飛燕春風中
宮壺龍渴曉漏盡
錦屏翠褥金泥融
霓裳曲度未肯終
潼關戰血燒天紅

嗚呼纖腰一束柳條重如何舞得乾坤動

題畫楊妃調鸚鵡圖

元 周伯琦

朱顏顰鬢怯輕寒欲託奇毛吐肺肝想得劒關春日暮
夢中猶作海棠看

太真教鸚鵡圖

元 馮 渭

溫泉賜浴意融怡猶念寧王玉笛吹却怕能言泄幽事
丁寧慎勿語人知

太真上馬圖

元 朱德潤

開元朝野時清明姚宋廟謀多輔成紫宸殿前焚錦繡
花萼樓高延弟兄那知暇豫生淫樂慢舞霓裳羽衣薄
龍釵流禍入宮牆野鹿銜花汙簾箔春晴並轡曲江行
回顧阿環嬌態生繡衣珠跂如花旋秦虢夫人恩寵新
宮中昇出錦綳兒兵滿漁陽人未知一朝犯順入宮闕
咸陽煙塵迷日月翠華雜沓驚塵蒙劒閣西迴渭水中
王臣下微同列國從此藩鎮爭豪雄人生富貴真迷途
傾城褒姒無時無漫道玄宗不知政試問當年無逸圖

楊妃上馬圖

元 吳師道

花擁金鞍步步遲
君王別殿待多時
延秋門外驚塵起
夜半無人見疾馳

楊妃上馬圖

元 鄭元祐

華萼樓前上馬時
君王忘是壽王妃
龍顏含笑待持鞚
海棠睡美春風吹
繡鞍嬌凭翠裳冷
金轡擬跨絲鞭垂
宮韉拍鞦欲馳及
簌簌步搖危不支
後宮窈窕千蛾眉
並乘腰裏黃金羈
芙蓉濯露總殊妙
雜遝綺羅知為誰

獨擁妖環何所之
聯翩欲向華清池
雙龍啣膝踏花去
錦香覆滿紅臙脂
從官車騎空瞻望
並肩私語行遲遲
行毋遲遲日已西
漁陽鐵騎崩雲追
纔出都門便別離
千載形迹令人悲
再拜能忘臣甫詩

題玉環聯轡圖

元宋無

赭袍紅暎鏤金衣
笑並花驄酒力微
試問六龍西幸日
有人曾侍翠華歸

楊太真剖瓜圖

明吳寬

深宮六月涼風至，紈扇團圓奪秋氣。
却恨君王賜浴遲，華清水熱通宵沸。
金刀手弄雲鬟低，楊柳樓頭日已西。
莫誇碧椀紅瓢美，玉齒病來憎瓠犀。

周昉畫楊妃禁齒圖

元王惲

海棠春睡儘紅嬌，苦殢三郎厭早朝。
人到愛深無惡相，捧心顰處更妖嬈。

華清曲題楊妃病齒

元薩都拉

沉香亭北春晝長，海棠睡起扶殘妝。
清歌妙舞一時靜，

燕語鶯啼空斷腸
朱唇半啓榴房破
胭脂紅注珍珠顆
一點春酸入瓠犀
雪色鮫綃濕香唾
九華帳裏熏蘭煙
玉肱曲枕珊瑚偏
玉釵半脫翠蛾斂
龍髯天子空垂涎
妾身雖侍君王側
別有閒情向誰說
斷腸塞上錦綳兒
萬恨千愁言不得
成都遙進新荔枝
金盤紫露甘如飴
紅塵一騎不成笑
病中風味心自知
君不聞華清宮一
齒作楚藏禍根又
不聞馬嵬坡一身
濺血未足多漁陽
一日鼙鼓動始覺
開元天下痛雲臺
不見漢功臣三十

六牙何足用明眸皓齒今已矣風流何處三郎李

玉環病齒圖

元
宋 無

一點春寒入瓠犀海棠花下獨顰眉
內廚幾日無宣喚
不問君王索荔枝

楊妃舞翠盤圖

明
謝承舉

妃子承私眷君王愛宴游
風旋朱袂薄雲擁翠盤
秋宛轉花千態低昂月半鉤
梨花僧寺夢遺恨蜀江頭

虢國夫人夜游圖

宋
蘇軾

佳人自鞚玉花驄，翩如驚燕蹋飛龍。
金鞭爭道寶釵落，何人先入明光宮。
宮中羯鼓催花柳，玉奴絃索花奴手。
坐中八姨真貴人，走馬來看不動塵。
明眸皓齒誰復見，只有丹青餘淚痕。
人間俯仰成今古，吳公臺下雷塘路。
當時亦笑張麗華，不知門外韓擒虎。

次韻虢國夫人夜遊圖

宋
李綱

金鞍玉勒連錢駒，車如流水馬如龍。
遺簪墮珥碎珠翠，密炬夜入蓬萊宮。
曲江宮殿春蒲柳，玉盤犀筋傳纖手。

坐中綽約盡天人錦茵雲幕清無塵賜名大國動光彩
馬嵬回首空啼痕我欲題詩弔千古喪國亡家皆此路
嫣然一笑傾人城皓齒明眸真女虎

題號國夫人夜遊圖

元姚樞

宴安懷鴆毒蕩佚國將亡緬思天寶載聲色迷君王朝
政出多門十九分權綱其誰堪炙手秦號連諸楊攀附
勢莫比所冀保椒房宮中陪宴樂晝短疑夜長重為長
夜遊細馬馱寶裝胡不秉明燭晏行撤禮防一從此風

欽定四庫全書

御定歷代題畫詩類
卷四十四

九

熾野鹿踰宮牆五嶽出洛泝四海同慘傷維時所貴顯
赤族亦罹殃馬嵬脂粉暗岷山涕泗滂明年雖幸還大
海翻田桑山河增慘澹日月銷精光問民瘡痍中哭廟
煨燼旁女寵禍何酷百悔不一償在莒豈足擬於茲不
可忘

題號國夫人早朝圖

明詹同

青絲絡頭白鼻騮楊家有女顏如花金門半開天欲曙
蛾眉淡掃朝官家官家鼾睡起未早阿姨一來即傾倒

中使傳宣出紫宸信是人家生女好合歡花瘁沉香亭
玉環宿酒渾未醒春風暗送年華老綠衣飛報疇能聽
金錢賜浴恩澤新溫泉不洗馬嵬塵底事畫工心獨苦
圖中偏寫虢夫人

題虢國夫人宴歸圖

明 沈 周

倚馬嬌羞認八姨春酣歸院日斜時回頭聞得漁陽鼓
猶料催花輟宴遲

題虢國夫人夜遊圖

明 文徵明

紫塵拂轡春融融參差飛鞚驕如龍錦韉繡帶簇妖麗
絳紗玳燭圍春風春風交花光屬路後騎雍容前却顧
中間一騎來逡巡秀着玉頰真天人翠微垂鬢極稱身
彷彿當年號與秦佳人絕代真難得安得君王不為惑
豈知尤物禍之階不獨傾城竟傾國一時喪亂已足憐
後世方誇好顏色晴窗展卷漫多情百年青史自分明
莫言畫史都無意尺素還堪鑒興廢

秦號夫人走馬圖

二首

宋蘇轍

轍

秦虢風流本一家
豐枝穠葉映雙花
欲分妍醜都無處
夾道遊人空歎嗟

朱幘玉勒控飛龍
笑語喧譁步驟同
馳入九重人不見
金鈿翠羽落泥中

題秦虢二夫人承召遊華清宮圖

元

虞集

貴人並輶如輕鴻
承恩馳入華清宮
道途先不止行客
策蹇奔趨烏帽風
奚囊墮地何足拾
豈有篇章浪相及
畫史當時妙墨傳
光彩流動狂情急
君不見白頭拾遺

徒步歸明眸皓齒事皆非朝天泥滑袖封事高閣雨餘
宮漏稀

題黃門飛鞚圖

二首

元
王 惲

金錯盤陀落玉鞭春風飛影下瑤池丹青明見傳臚意
花柳深宮燕八姨

年年十月幸溫湯詔給詞臣半驕驕最見流雲瀟灑處
津陽春色曉蒼蒼

題佳婦乳姑圖

明
廖道南

君不見崔氏之婦乳老姑百年此事胡為乎風流豈啻
世所重遺節直與天為徒李母孝思似崔婦二姑堂上
遐齡暮滄瀛春盤效婉儀頻繁歲祀開昌祚棟塘夫子
真逸民堂前蘭桂芳菲新梁鴻不獨稱偕老潘岳仍看
侍懿親

題杜韋娘圖

元華幼武

霞佩飄飄金縷香緩歌白雪韻悠揚華堂舊日風流在
見慣司空亦斷腸

紅葉圖

元 華幼武

鴛鴦瓦冷不禁秋採葉題詩出御溝一點靈犀天地隔
殷勤隨水向誰流

題唐宮題葉圖

元 雅勒呼

彩毫將恨付霜紅恨自絲絲水自東金屋有關嚴虎豹
玉書無路託鱗鴻秋期暗度驚催織春信潛通誤守宮
莫道銀河消息杳明年錦樹又西風

題紅葉題詩圖

元 朱德潤

金殿風微拾墜紅題詩聊寄御溝東芳情有意隨流水
細字無心學斷鴻別館乍涼霜透幕長門深夜月移宮
才情偶爾成佳配不道周南有國風

題美人書紅葉圖

明
劉基

紅葉隨波豈自由綵毫空復寫綢繆無人解識詩中意
天上人間總是愁

美人紅葉圖

明
王佐

謝家夫人詠柳絮黃陵女兒歌竹枝誰信長門秋澹澹

西風黃葉斷腸時

題紅葉仕女

明
談震

初試宮妝步玉除詩成把筆更躊躇
舊愁新恨知多少盡向霜紅葉上書

題流紅圖

明
林敏

玉溝澄晚色金屋閉秋塵
鴛被辭君寵蛾眉妬妾身
披庭霜葉赤永巷露苔新
欲寫心中事含情祇自顰

盼盼燕子樓圖

明
瞿佑

亞父塚前秋草合
虞姬墳上暮雲愁
如何一片彭城月
只照張家燕子樓

題主人壁間樊素小蠻圖

明石沆

江州司馬兩紅妝
水墨何人畫此堂
得似往年歌意思
却看今日舞衣裳
聲漫點櫻珠破
擬態輕拖柳帶長
別有幽情傳筆底
主人狂得且須狂

題花蕊夫人像

元于立

玉屑丹砂和獺髓
一點殷紅養花蕊
冰肌玉骨自生涼

不信流年去如水
火旗曉壓降王道
貝闕珠宮長秋草
摩訶池上又西風
流紅不向人間老

朝雲誦偈圖

明瞿佑

春樹紅顏一擲梭
六如偈裏暗消磨
主翁不悟榮華過
一笑重煩春夢婆

題蘇小小像

元于立

花宮玉燕啼酣春
春風勞勞驅夢雲
夢喚夢喜春不聞
紅萱露滴真珠裙
夜燕玎玲隔牕語
碧紗凝煙咽金縷

行雲妒殺巫山女
芭蕉葉葉黃梅雨

元王惲

題劉平妻胡氏殺虎圖

獸猛其如義烈何
揮刀峻絕魯陽戈
哀哀哭絕東山婦

恨入秋空淚漫多

再題胡烈婦殺虎圖

三首

元王惲

丈夫不作屠龍舉
健婦能成刺虎威
試著五行參造化
二陰何盛一陽微

眈眈哆口推天去
死地求生有若人
寸鐵竟能伸義烈

大臣當國合橫身

古稱政猛苛於虎翦暴除殘惜壯圖蹀血兩坊三義俠
袖鉞揮處幾於菟

為古紹先題劉平妻胡氏殺虎圖

元

張翥

沙河岸邊秋草白棗陽城頭落日黑老兵辛苦踐更來
林下稅車聊一息黃蘆颯颯中夜鳴俚鬼叫嘯悲風生
虎飢得人怒不置婦急徒手危相爭直前死力持虎足
呼兒進刀屠虎腹但知有夫豈知虎視之何殊几上肉

當時一擊寧顧軀驚魂碎骨仍攜扶九原瞑目已無憾
舊血勿湔身上襦千秋節義傳鄉閭我猶膽怯見畫圖
健婦果勝一丈夫向來馮婦有不如

胡氏刺虎圖

元楊載

浣有烈婦人胡姓嫁劉氏從夫棗陽戍車宿水之濱夜
半猛虎至銜夫入菑翳夫人自驚起不暇生為計直前
執虎足盡力與牽制呼兒抽佩刀刀刺虎立斃夫命復
不救復讎古所貴嗚呼流俗弊節義日以廢婦不夫其

夫臣子競為利患難苟圖免聞此得無媿吾故作此詩
於以告萬世

劉平妻殺虎圖

明程敏政

棗陽軍婦千人勇虎口活夫顏不動礪號山裂天為昏
幾許高樓髻雲聳征車夜渡西河眠骨肉相守終餘年
舅戕夫死避苛政泰山女兒吁可憐

題高宗二劉妃圖

元潘純

秋風落盡故宮槐江上芙蓉並蒂開留得君王不歸去

鳳皇山下起樓臺



御定歷代題畫詩類卷四十四

欽定四庫全書

集部

御定歷代題畫詩類卷四十五

詳校官刑部侍郎臣李紱

主事銜臣徐以坤覆勘

總校官降調編修臣倉聖脉

校對官編修臣吳錫麒

騰錄監生臣黃恒謙

欽定四庫全書

御定歷代題畫詩類卷四十五目錄

閒適類

李伯時畫其弟亮功舊隱宅圖

宋蘇軾

昭武劉圻甫以嵎篁隱居圖求詩

宋戴復古

愛詩李道人嵩陽歸隱圖

金劉勳

愛詩李道人嵩陽歸隱圖

金雷淵

武元直畫喬君章蓮峯小隱圖

金趙秉文

春山歸隱圖

金趙秉文

坡陽歸隱圖

金趙秉文

盤山招隱圖

金閻長言

雪谿小隱圖

金張行簡

李道人松陽歸隱圖

金史學

盤山招隱圖

金劉迎

松溪幽隱圖

金段成己

松陽歸隱圖

金段成己

李道人崧陽歸隱圖 元 元好問

金南峯隱居圖 元 牟巖

武郎中桃溪歸隱圖 元 許衡 五首

跋龍陽松隱圖 元 王惲

竹林幽隱圖 元 王惲 六首

題舜舉小隱圖 元 趙孟頫

劉松年春山仙隱圖 元 鄧文原

北山招隱詞四首題李卿月小隱圖 元 柳貫

子久春山仙隱 元吳鎮

題劉渙中司空山隱居圖 元薩都拉

題蒙泉吏隱圖 元陳旅

題醫學李教授歸隱圖 元薛漢

雲山高隱圖 元鄭元祐

題富鍊師仙山訪隱圖 元陳基

田園幽隱圖 元劉永之

次韻玉瑯雲隱圖 元金涓

為曾高士畫湖山舊隱圖 元倪瓚

題張仙人隱居圖 元錢惟善

題龍虎孫希文尊師為蕭泰定所作丹房寓隱圖
元錢惟善

題秋溪釣隱圖 元華幼武

秋林隱士圖 元華幼武

題耕隱巷 元華幼武

題雲林子南村隱居圖 元吳全節

隱居圖 元張雨

賦童梅巖隱居圖 元馬臻

營丘江山招隱圖 元郭昇

李昇林泉高隱圖 元郭昇

縉雲歸隱圖歌 元唐肅

寄題瑣憲臣萬戶星湖釣隱圖 元王逢

山中隱居圖 元陶宗儀

題梅隱圖 元張天英

山中清隱圖

明汪廣洋

題隱居圖

明宋濂

題方方壺畫鍾山隱居圖

明宋濂

題清隱圖

明張以寧

題松隱圖

明張以寧

題鮑曲籤芳塢隱居圖

明劉承直

題溪山小隱

明高啟

山泉隱居圖

明張羽

園隱圖 明徐貴

題劉汝弼東源小隱圖 明蘇伯衡

題雲林書隱圖 明高棟

題五橋隱居圖 明劉昭年

題趙仲淵家藏巨然山居舊隱圖 明戴宗瑗

題秋山訪隱圖 明藍仁

二隱圖 明管訥

題王東正雲林清隱圖 明管訥

瓢隱畫歌

明虞堪

題荷峯雲隱圖

明夏原吉

題溪山深隱畫

明王世貞

溪山小隱圖長幅

明李日華

題溪山深隱圖

明李日華

題溪山小隱圖

明僧一初

林泉歸隱圖

明僧麟洲

御定歷代題畫詩類卷四十五目錄

欽定四庫全書

御定歷代題畫詩類卷四十五

閒適類

李伯時畫其弟亮功舊隱宅圖

宋 蘇軾

樂天早退今安有摩詰長閒古亦無五畝自栽池上竹
十年空看輞川圖近聞陶令開三徑應許揚雄寄一區
晚歲與君同活計如雲鷺鴨散平湖

昭武劉圻甫以嵒篁隱居圖求詩

宋 戴復古

相對兩山碧春風搖綠篁一巢雲建造三澗水宮商谷
口躬耕稼盤中歌壽昌桃花認行路此日訪劉郎

愛詩李道人嵩陽歸隱圖

金劉勳

脫却儒冠已自閒更令家事勿相關百錢便挂青藜杖
不看先生紙上山

愛詩李道人嵩陽歸隱圖

金雷淵

我家崧前凡再暮詩僧騷客相追隨春葩繽紛香澗谷
夏泉噴薄清心脾霜林置酒曳錦障雪嶺探梅登玉螭

重陽夜宿太平頂天雞夜半鳴喔咿整冠東望見日出
金輪湧海光陸離神州赤縣入指顧風埃未靖空噓歎
窮探極覽不知老泉石佳處多留題簡書驅出踏朝市
期會迫窄愁鞭笞襟懷塵土少清夢齒頰荊棘真白癡
叩門剝啄者誰子道人面有熊豹姿披圖二室忽當眼
貫珠編貝多文辭我離山久詩筆退摹寫豈復能清奇
再三要索不忍拒依依但記經行時道人愛山復愛詩
嗜好成癖未易移山中詩友莫相厭遠勝薰酣聲利乾

沒兒

武元直畫喬君章蓮峰小隱圖

金趙秉文

武君非畫師勝槩飽宵臆太華五千仞驅寫入盈尺飛
泉峰頂來落我松下石清風忽吹散琴上濺餘滴呼兒
忽寫之指下淋漓濕未知責子翁頗復有此適何如圖
中人直作林下客青山不違人但恐富貴逼勇退良獨
難此願誰能必向來燕趙間逆旅拜真逸兒時弄琴者
天涯老相值俛仰四十年父子埋雙壁卷中題詩人十

九已仙籍年光飛鳥過紙上但陳迹對此還自傷何事
為物役還丹日月遲白首光陰疾文章真小技身外皆
長物拂衣歸去來蓮峰入心碧

春山歸隱圖

金趙秉文

了無車馬到山家門外東風埽落花春入山間人不見
無時無處不煙霞

坡陽歸隱圖

金趙秉文

年過六袞尚蹉跎奈此坡陽歸隱何不是不歸歸未得

家山雖好虎狼多

盤山招隱圖

金閻長言

畫出盤中望隱歸鳴珂朝馬尚遲遲賦詩未敢輕相誚
却恐吾山也勒移

雪谿小隱圖

金張行簡

出處皆天豈自由仙標終合冠黿頭不妨貌取黃華景
時向鈴齋作臥游

李道人崧陽歸隱圖

金史學

石壁城頭夜斬關
軟紅塵底曉催班
道人一笑那知許
門外清溪屋上山

盤山招隱圖

金劉迎

溪山不難買
所費千金儲
不如數峰雲
朝昏對吾廬
交遊豈無人
轉盼傷離居
不如吾兄弟
相應如笙竽
左侯薊名族
溫溫器璠璣
身雖市朝寄
心與功名疎
伯也亦可人
文華炳於菟
風神聳魁偉
襟韻含沖虛
平生一片心
緣塵不闕渠
相期有幽事
歲晚山林俱
綵服照黃冠

歡呼奉親輿大婦侍巾帨中婦供庖廚諸孫戲膝前翩
然鳳將雛朝采南澗芹莫漉西溪魚煙霧入杖履風月
來窻疏觀竹上巢雲禮佛登香爐紅龍雪浪湧白塔蒼
煙孤冰絃寫天籟茶甌泛雲腴快哉天下樂俯仰餘何
須正恐左太沖招隱昔所無

松溪幽隱圖

金段成己

何宮遺構山之隅長松蔽映千萬株中有一徑穿縈紆
冷風蕭瑟無時無人間赤日如洪爐恍疑仙景來蓬壺

蹤跡一隨聲利區回首自覺泥塗污歲月因循歸計迂
松溪想像勞形模可憐塵夢今始蘇空對西山慚畫圖
一日來歸聊自娛

崧陽歸隱圖

金
段成己

落落出世人視世猶糠粃獨惟愛山緣一念未渠已嘗
行崧陽道經觀略可紀有山皆孱顏有水盡清泚寒藤
絡古木奇花開芳枳風從四山下紅綠亂紛委雲日互
蔽虧百態呈怪詭微泉不知處叢蒼鳴宮徵山鳥忽驚

飛花落空巖裏靜聞雞犬聲人家應在邇百年能幾日
山間有餘晷孰知桃花源不出武陵水回首視人間囂
囂足塵滓便擬結椽茅怱怱迫行李一來汾沮洳留滯
絲幾祀幽懷渺難忘澹墨寄形似舊遊一經眼未往差
可喜此心本無著夫豈為物使昔何從而來今何從而
止脩然來往間於是得之子幻影竟何用我亦聊爾耳
一笑兩忘言庭花委階砌

李道人崧陽歸隱圖

元
元好問

北山范寬筆老硬無妍姿南山小平遠澹若韋郎詩崧
陽古仙村佳處我所知長林連玉華細路入清微連延
百餘家柴門水之湄桑麻蔽朝日雞犬通垣籬媿我出
山來京塵滿山衣春風四十日夢與孤雲飛可笑李山
人嗜好世所稀逢人覓詩句不恤怒與譏道人本無事
何苦塵中為京師不易居我癡君更癡山中酒應熟幾
日是歸期

金南峰隱居圖

元
牟
獻

高哉千丈屹南端路入層雲欲到難試著幻輿巖石裏
人間爭似畫圖看

武郎中桃溪歸隱圖

五首

元許衡

武陵曾有避秦人人世高誇擬慕真不道當今異前世
枉尋幽隱伴飢民紅芳未比紅衣好綠水爭如綠酒醇
營得一官裨聖政誰能康濟自家身

桃溪將擬武陵溪只恐桃溪隱未宜詩卷久懷天下詠
畫圖今遣俗人窺嚴陵晦迹終垂釣韓伯韜聲狠學醫

此輩君侯休羨慕但當匡救主民疲

桃溪風景寫橫披渾似秦人避亂時萬樹春紅羅錦綺
一灣晴碧捲琉璃飲中更聽琴聲雅靜裏初無俗事羈
他日君侯歸此隱肯容閒客日追隨

門外鞦韆擺翠煙籬邊雞犬亦閑閑更教爛漫花千樹
對著縈紆水一灣好景已憑摩詰畫他年重約長卿還
尋思此處人心別又愛功名又愛山

果肯歸來學隱淪閒中別有一乾坤可人碧草自春意

入枕朱絃醒醉魂花滿春風看錦浪水明涼月話黃昏
此中意趣知多少莫對簪纓取次論

跋龍陽松隱圖

元王惲

學窮象數別穿深又向龍陽得洗心前日小山叢桂客
不煩春草賦歸吟

竹林幽隱圖

六首

元王惲

西晉風流號七賢筆牀茶竈共林煙嵇琴響絕千年後
喜見清風一再傳

清時有味足閒身不可一日無此君著腳歲寒堂上去
秋風門外葉繽紛

蘇嶺桑麻杜曲田歲寒誰似此君賢鳴歌不種南山豈
千畝風煙學渭川

昔賢愛竹與竹友出處總得高人名今人未著牀頭屐
里社歸來畫錦榮

共城瀟灑似江南萬竹幽棲老所堪李沆似為諸子計
北山先埽讀書龕

煙雨溪南百畝春盡將清景屬閒身河山不隔黃壚斷
却恐功名老逼人

題舜舉小隱圖

元 趙孟頫

有水清且泚洄洑亂石間樂哉三子者在澗歌考槃流
波牽弱縷輕颺動文竿信無吞舟魚我志匪魴鰈勿言
隱尚小神情有餘閒高士不可見古風何時還

劉松年春山仙隱圖

元 鄧文原

綠柳疎花遠舍栽長松灌木覆亭臺雲巒倒景水天迥

蒲葦有聲山雨來
內史幽情觴咏樂
右丞別業畫圖開
何時許我遊真境
野色橋邊踏紫苔

北山招隱詞四首題李卿月小隱圖

元柳貫

煙雲竒彩稜稜見
水木高齋面面開
畫裏青山雖甚似
夢中玄鶴幾曾來

枌櫚布葉尋常大
略約通溪取次斜
誰送茶煙來北崦
却留梅月在東家

徂歲蒼松驚出屋度秋黃葉看成堆
賴憑故篋書千軸
領取虛名水一杯

此圖盈尺山論文何處看雲水似空
幸自冰壺堪作傳
莫憂瑤草未生叢

子久春山仙隱

元
吳鎮

山家處處面芙蓉一曲溪歌錦浪中
隔岸游人何處去
數聲雞犬夕陽紅

題劉渙中司空山隱居圖

元
薩都拉

放光峰下結茅廬
光照山人夜讀書
童子抱琴隨白鶴
鄰翁看竹借籃輿
門前秋景從風埽
屋後春田帶雨鋤
自歎天涯倦遊客
十年未有一廬居

題蒙泉吏隱圖

元陳旅

世皇昔日收雲南
鯨鯢伍伍手所戡
烏蒙烏撒腹心地
不有軍府誰其監
漢庭遣將非充國
累歲屯田無善績
兵驕民獷土不畚
國帑空虛糜萬億
大名劉侯文武才
承詔萬里誅蒿萊
豪蠻盡戢戎壘立
竄卒復還農畝開

有泉遠出蒙山下日夜清冰鳴石罅渠分澮決來縱橫
土脉浮膏作秋稼府中儲積多如山陂池種魚無曠乾
幾聞春磴響林際仍為旅蔬流圃間劉侯暇日遊泉上
賓史追從意冲暢步隨涼影傍高松坐看晴雲起孤嶂
朱幡奕奕來甌閩喪車遄返黃河津雲南戰骨橫四野
布穀聲中荒草春劉侯雖死應愁絕吟魂空咽泉頭月
祇今寧謚重謀帥九原人去無歸轍荔枝臺館開樽時
劇談每及西南陸淒涼遺像畫圖裏對此流涕將奚為

題醫學李教授歸隱圖

元 薛 漢

一官歸隱絳山陽
山色蒼茫接太行
自古終南多捷徑
只今盤谷是康莊
仙家虎買林中杏
洞府龍傳海上方
吾友玉堂稱二妙
為君圖寫爛生光

雲山高隱圖

元 鄭元祐

大山截業如長旗
小山偃蹇如褰衣
巖頭千仞瀉飛瀑
迸珠濺雪交橫飛
林廬隱隱空中起
青紅棟宇相軒委
中有幽人歌紫芝
自採藥苗臨澗洗
喬林露下青童童

交柯老幹森虬龍豈無明堂棟梁柱還當采獻明光宮
寧無谷底白駒客考槃歌中風落日畫圖難寫西隱踪
一曲鸞笙度空碧

題富鍊師仙山訪隱圖

元陳基

客有子微子學道居松陵身臥雪灘曲心將秋月明太
湖煙水催揚舲去訪隱者尋仙靈桃花之源浪得名何
如大海窺蓬瀛蓬瀛樓觀何崢嶸縹緲金碧之空青扶
桑東枝挂白日鉅鼇不動波濤平仙人王子喬乘風下

青冥要君與君語欣然若平生飲君以沆瀣之微液贈
君以琬琰之華英授君長生不死之奧旨保君神明愈
久而清澄丹丘羽客遙相迎足繭浮雲同上征蒼龍為
駕翠羽旂風伯前驅玉女仍直排闥闔朝紫清天上差
樂人間苦君獨何為思下土林屋深通水晶府勅制羣
龍主賜雨指麾豐隆使擊鼓飛蓋揚舲馮夷舞馮夷舞
罷樂未央昔年往遊今故鄉竟舜無為四海康千秋萬
歲下巢許長徜徉

田園幽隱圖

元 劉永之

我家清江縣城北竹梁花埭環深宅鄰屋分燈夜讀書
仙山借鹿春耕石蹤迹年來逐轉蓬萬事驚心舊業空
無錢買山惟愛畫坐對新圖如夢中柴門茂樹森相向
野水山橋接空曠雨足沙田野犢閒風回茅屋晨雞唱
隔林炊黍起新煙接竹穿籬引澗泉倚隄榆柳皆新種
近舍松杉不記年山深住久疎城府人情頗訝今非古
酒熟頻開白社尊家貧時賣黃公屨邇者中原相犄角

錦袍白馬相馳逐得失都隨去水流至今猶記王官谷

次韻玉瑯雲隱圖

元金涓

番陽王本善故居懷玉山之北號曰玉瑯雲隱鄉先達進士董公為之記和陽王使君為之賦又得星源韓徵君為之圖余嘗過本善所寓見其淨埽一室琴書圖畫與弓劍雜前培桂植菊怪石纖蒲幽潔可愛益能審已推分隨所遇而安視竄名尺籍而有所顧願者不同科也乃次使君韻附於卷末以釋其幽思

云

馬上劒三尺山中雲半間無人尋草迹有虎臥柴關解
甲端俾後懸弓定地還胡為思舊隱畢竟復誰閒

為曾高士畫湖山舊隱圖

元倪瓚

厭聽殘春風雨卷簾坐看青山波上鷗浮天遠林間鶴
帶雲還

題張仙人隱居圖

元錢惟善

百年曹氏宅萬古張仙山藏書白雲裏結屋青山間泉

迸石虹裂樹深溪鳥閒我欲從子遁騎驢相往還

題龍虎孫希文尊師為蕭泰定所作丹房寓隱圖

元
錢惟善

結茅雲裏萬塵空辟穀相期伴赤松
晝夜常明羽人國
春秋不老蕊仙宮
飛騰舐藥容雞犬
蟠伏成形看虎龍
縮地壺天應有術
願辭羈絆問參同

題秋溪釣隱圖

元
華幼武

長林蔽秋日飛雪捲秋旻道人愛滄浪為結白鷗鄰
渺

渺泛舟楫悠悠理絲綸淡然適清興豈在鱸與蓴偉哉
桐江叟千載高其人笑彼桃源圖春花迷去津

秋林隱士圖

元
華幼武

巖扃半掩白雲深木葉蕭蕭秋滿林便欲操舟過溪上
一牕明月聽彈琴

題耕隱卷

元
華幼武

屏迹躬南畝殷勤為養親行歌農耒晚歸舞綵衣春菌
閣青山近柴門綠水新玄纁不肯就甘作太平民

題雲林子南村隱居圖

元 吳全節

山高白石秀竹密綠陰濃窗映風光埽溪流月影重

隱居圖

元 張雨

壺漿相餉過溪東
縞袂青裙笑語中
何必桃源尋舊路
太平閒作祝雞翁

賦童梅巖隱居圖

元 馬臻

龐公不愛入州府
自結衡茅住山塢
蒸梨炊黍飽妻兒
幽事無人繼前譜
梅巖愛山存古心
卜築更向青山深

區區世事不挂齒晝夜讀書松竹林永讓盧鴻傳十志
圖此知君有真意山中之樂何其多白髮心違我應愧

營丘江山招隱圖

元
郭昇

健枝無兄筆樹外來江山洲渚蘆荻空斜陽澹煙鬟歸
鞍倦危橋短篷止荒灣業漁古云樂寧論晉宋間菰米
蓴菜羹妻兒有餘閒坐令王李輩濡毫破天慳展玩不
去手綠陰掩柴關浩歌滄浪辭濯我塵土顏悠悠江湖
夢隱者招不還

李昇林泉高隱圖

元郭昇

為厭繁華愛好山幽棲贏得此身閒生平已足林泉興
留取高名滿世間

縉雲歸隱圖歌

送陳魯山

元唐肅

高堂雪壁雲模糊排君縉雲歸隱圖縉雲之山古仙都
千朵萬朵青芙蓉側聞軒皇此云徂小臣白日攀龍胡
至今瑤草甘露腴食之百歲顏如朱陳侯十年戎馬劬
腰間厭帶黃金符侯封廟食何為乎不如還山尋舊廬

青林石道羊腸紆上有裊裊哀猿呼陳侯是時騎蹇驢
卓鞭微吟落日孤山中之人夷皓徒聞侯歸隱應笑娛
丹泉釀酒香拍壺玉桃如瓜味如酥陶然一醉千日餘
侯不歸來實侯愚

寄題瑣憲臣萬戶星湖釣隱圖

元王逢

笳鼓歸來理釣絲星連文石漾淪漪征袍漸喜團花暗
小艇還從細柳維邊地雪霜憐馬革五湖煙雨夢鴟夷
野人不待傳雙鯉釣出珊瑚寄一枝

山中隱居圖

元 陶宗儀

小小茅茨住碧山柴門無客晝常關
移家更入雲深處城市終年不往還

題梅隱圖

元 張天英

昔者山人住杭州和靖祠邊水東流
先人敝廬與祠近取徑政在山之幽
廣平梅花三百樹無復春風一處留
芳煙野花開躑躅落日林樹啼鵲鷗
黃昏娟娟湖裏月每為香影含孤愁
長懷此花冰玉質無之自足令人羞

眼明波間雙白鷗亦復與世相沉浮不見梅花已淒怨
誰吹笛聲湖水頭青山難聞楚人調白髮易感商聲謳
吾廬亦豈能自愛種梅遶屋寧嫌稠二十年間屢易主
歸魂無夢花間遊因觀此圖重歎息萬事何異水中漚
知君斷非充隱者卜居梅花善自謀我獨漂零江海上
悠悠千古一登樓

山中清隱圖

明
汪廣洋

王屋山前雲氣多濯濯水流幽澗阿青松白石有如此

歲久不歸生薜蘿

題隱居圖

明 宋 濂

樓臺倒景浸虛泓
嘉樹擎寒不盡青
何日過橋分半景
傍雲同築草玄亭

題方方壺畫鍾山隱居圖

明 宋 濂

飄飄方壺子本是仙者
倫固多幻化術筆下生白雲
白雲縹緲間拔起青嶙峋
似是朱湖洞笙鶴遙空聞
豈無許飛瓊烹芝吸華芬
鍊師從何來面帶山水文
相期守

規中結菴在雲村心游帝象先神棲太一根我受上清
訣衛以龍虎君內含玄命祕一氣中夜存行當去採藥
共入無窮門

題清隱圖

明
張以寧

清隱山人行地仙尋雲獨往不知年鶴翻松子驚碁局
鷗蕩蘆花逐釣船題句霜乾拈落葉煮茶月靜掬新泉
塵中汗馬多如許一度看圖一惘然

題松隱圖

明
張以寧

蒼蒼蘚石謾謾雲松空山無人明月在
筇我思武夷三十六峰之子云邁攜琴曷從

題鮑典籤芳塢隱居圖

明 劉承直

幽勝似仙家緣雲石磴斜陰崖留積雪晴樹亂明霞
寺遠時聞磬溪深未沒槎抱琴來谷口多是識桃花

題溪山小隱

明 高 啓

何處溪山隱衡門對野橋晚風攜鶴子春雨種魚苗
小徑斜通竹疎籬曲護蕉人生閒自足不用楚詞招

山泉隱居圖

明張羽

日長侍立南薰殿聖主從容正開卷內臣如鵠擁圖書
詔許近前曾一見玉躔金題照眼新三王二李迹未陳
妙筆森芒洞冥漠乃知今人非古人歸來三歎北牕下
開屏見此新圖畫流淙百折挂石梁古木寒松勢相亞
木末何人一草廬山泉之人昔所居鴻臚寺裏晚朝下
對此高堂心鬱紆華亭柳湖眼中見武陵桃源路豈殊
老夫曾住康王谷五老香爐映飛瀑亂來井臼今可存

因爾高歌望黃鵠

園隱圖

送方以常

明徐賁

曾聞學圃成高隱今日攜書是宦遊
隔屋尚通分溜竄傍溪宜覓看花舟
松癸盡作鄰僧供芋栗還憑野老收
後夜月明江上夢應隨歸鶴到林丘

題劉汝弼東源小隱圖

明蘇伯衡

東源山水好聞說似終南種黍都為酒
誅茅小作庵過門人問字看竹客停驂
亦有幽棲意遲歸我獨慙

題雲林書隱圖

贈梅江
許宗顯

明
高棟

愛爾江海居清風繼箕穎起予丘中賞逸興探靈境粉
墨含天光丹青藏雲影牕開象湖陰簾捲龍峰頂林靜
絃誦閒波空棹歌冷滄浪可洗心白鷗待孤艇

題五橋隱居圖

明
劉昭年

誰家作橋溪水頭茆堂四月如清秋白雲已過暮山碧
黃鳥不鳴春樹幽紫髯背向孤舟立記得仙源舊曾入
雨打疎篷醉不知桃花一夜新流急

題趙仲淵家藏巨然山居舊隱圖

明 戴宗瑗

趙君生平有畫癖，購畫千金無所惜。
軒牕日夕耿晴虹，鴈蕩雲煙動秋碧。
山居之圖妙無敵，巨然乃肯留真蹟。
雄峰峩峩狀廬阜，春風喬林翠如織。
柴門路入花竹深，彷彿茅茨浣花宅。
輕舟聚漁煙浪中，白石離離弄江色。
山人構思固不易，造化神機出毫末。
摩挲兩眼看不厭，趙君珍藏信奇特。
媿我無詩如杜陵，此畫還君三歎息。

題秋山訪隱圖

明 藍仁

草堂聞有故人尋野店山橋轉石林渺渺白雲行逕遠
蕭蕭黃葉閉門深脫巾自漉牀頭酒賣藥新修壁上琴
世事匆匆良會少一宵論盡十年心

二隱圖

明
管訥

溪上放舟迴山中負薪暇一笑偶相逢於焉遂清話寧
知有秦晉况復論王霸回首總忘機青山夕陽下

題王秉正雲林清隱

明
管訥

青林白谷水雲鄉隱者深居一草堂百道松泉當戶落

四時花雨入簾香
門前車馬紅塵遠
座上琴書白日長
滿目故家風景在
不須重畫輞川莊

瓢隱畫歌

明
虞堪

溪山昨日風雨來
溪上船子衝潮回
白鷗微茫度島嶼
綠樹恍忽迷塵埃
煙昏氣黑夜滂渤
石梁茅屋多傾頽
壺公畫裏何悠哉
寫此世外之蓬萊
弱水不渡良可哀

題荷峰雲隱圖

明
夏原吉

萬仞荷峰插漢青
當年嘉遯若為情
田園無限幽閒趣

車馬不聞來往聲
半榻松風雲臥冷
一溪蘿月釣絲輕
只今聖主求賢急
林下安能老釣耕

題溪山深隱畫

明 王世貞

古木寒流一兩家
柴門晝掩待歸鴉
何如只向人間住
與客攜壺踏落花

溪山小隱圖長幅

明 李日華

山隱園林樹隱家
石田茆屋是生涯
雙流灌玉收香秫
萬壑跳珠汎落花
松代笙簧風裏奏
雲開屏障嶺頭遮

一生不踏紅塵路
竹杖芒屨步軟沙

題溪山深隱圖

明
李日華

生來骨相落溪山
松作蒼髯石作顏
出語忽驚春瀑下
挂瓢時惹晚雲斑
懸崖墮果煩猿拾
絕壑迷筇信鶴還
偶為修琴到城市
踏沙又見月初彎

題谿山小隱圖

明
僧一初

自我初陟浮丘峰
十年往還如夢中
向來朋舊半白髮
只有山色當時同
青橙叢邊數間屋
夜夜白雲簷下宿

欽定四庫全書

御定歷代題畫詩類卷四十五

道人心境雲共閒
嘯傲雲林謝塵俗
橋頭野客行遲遲
歸來似有東林期
一聲清磬萬山暝
知是上方禪定時

林泉歸隱圖

明僧麟洲

居山豈為山只愛此中閒
野菜何消種柴門不要關
飯餘聽澗落經罷看雲還
恐有寒山句多題蘚石間

御定歷代題畫詩類卷四十五

欽定四庫全書

御定歷代題畫詩類卷四十六目錄

閒適類

題王荊公半山圖

宋劉宰

題沈公雅卜居圖

宋朱子

題黃花幽居圖

金李獻甫

山居雜畫詩

元元好問六首

題山居圖

元范梈

欽定四庫全書

御定歷代題畫詩類
卷四十六目錄

題婁仲英山居圖 元成廷珪

題山居圖 元成廷珪

趙松雪山居圖 元黃公望二首

題太史楊公山居圖 元張翥

題山居圖 元陳高

山居圖 元鄭元祐二首

題山居圖 元陳基

題山居圖 元楊維禎

題李遵道山居圖

元倪瓚

題山居圖

元錢惟善

山居圖卷

元錢選

水竹山居圖

元吳鎮

題劉文偉府判收藏山莊夜歸圖

元龔璠

題高房山寫山居圖

元仇遠

雙鳳山居圖

元張翥

錦城方天瑞玄英先生後人得白雲山居圖彷彿

桐廬山中隱所舜舉真跡別有一種風致漫系以

詩元仇遠

題長白山居圖

明宋濂

題松鶴山居圖

明貝瓊

題陳允中山居圖

明徐賁

題胡玄素畫山居圖

明徐賁

雪溪翁山居圖

明楊彝

自畫山居圖歌

明虞堪

題山居幽趣圖

明王翰

為常上人題在山圖

明僧麟洲

李道人家山圖

金麻九疇

題裕之家山圖

金趙元

題裕之家山圖

金劉昂霄

郭氏家山圖

元劉因

鄉山圖

明章敞

題水邨圖

元龔璠

寄題惠山華氏溪山勝槩圖 元柳貫

題雪上張元之溪居卷 元陶宗儀

溪居圖 明李進

題林泉雅趣圖 元謝應芳

張禮部溪山真樂圖 元許有壬

王叔明林泉清話圖 元吳鎮

題林泉雅趣圖 元丁鶴年

溪山入夢圖卷 明李日華

李野齋別墅圖

元 袁桷

題朱澤民所藏段吉父應奉別業圖

元 貢師泰

題段吉甫助教別墅圖

元 余闕

題孫宮允貞甫松江別墅圖

明 廖道南三首

江邨別墅圖

明 薛惠三首

題宋春卿城市山林

元 郭畀

題城市山林圖

元 陳旅

王叔明村舍圖

明 吳寬

邨居圖 明僧妙聲

題郁氏古邨圖 明僧智艸

御定歷代題畫詩類卷四十六目錄

欽定四庫全書

御定歷代題畫詩類卷四十六

閒適類

題王荊公半山圖

宋
劉宰

歸來心事平蹇驢踏秋風舉鞭問髯奴何如浣花翁道
傍幾高松風來自相語桃李今何之歲寒予與汝

題沈公雅卜居圖

宋
朱子

往者仲長子高情世無儔一朝謝塵躅卜築娛清幽

屋八九間下有良田疇後簷果垂實前庭樹相膠勝日
賓友來琴觴共舒憂言論敷幽妙理亂窮端由至今一
卷書凜然昭千秋沈侯經濟業夙尚本林丘談笑出幻
境寤言躡斯遊仰睇白石岡俯濯清瑤流曠然宇宙外
邈矣將安求

題黃花幽居圖

金
李獻甫

層層佛屋貼山腰山下幽居勝午橋物外人
家無稅役閒中生事足漁樵鴈踰遠嶂凌虛迴
人與高秋共寂寥

何處人間景如此便應歸隱不須招

山居雜畫詩

六首

元
元好問

瘦竹籐斜挂叢花草亂生林高風有態苔滑水無聲
石潤雲先動橋平水漸過野陰添晚重山意向秋多
樹合秋聲滿村荒暮景閒虹收仍白雨雲動忽青山
川迴楓林散山深竹港幽踈煙沉去鳥落日送歸牛
漲落沙痕出堤摧岸口斜斷橋堆聚沫高樹閣浮槎
鷺影兼秋靜蟬聲帶晚涼陂長留積水川濶盡斜陽

題山居圖

元 范梈

平湖含白水，斷岸見青林。
籬落初秋氣，雲山向夕陰。
養閒祇用拙，避俗更懷深。
為問舟中客，何如澤畔吟。

題婁仲英山居圖

元 成廷珪

近代幾人畫山水，郭畀無人朱敏死。
後之作者徒紛綸，得骨得皮誰得髓。
聞君埽却山居圖，令我見之心獨喜。
前山環伏如虎蹲，後山奔騰若龍起。
緣溪草堂星散居，嘉樹陰陰雲旒旒。
豈無採藥古仙人，亦有看書兩君子。

七十老翁居竹間老去胡為在城市君如有意肯相過
貌得滄江弄清泚

題山居圖

元
成廷珪

石子坡頭松兩株水光嵐氣護幽居
山翁被酒愛騎馬溪友放船來捕魚
秋色自隨黃葉老野懷常共白雲舒
何時卜築如圖畫竹下開軒更讀書

趙松雪山居圖

二首

元
黃公望

春夏山中日正長竹梢脫粉午牕涼
幽情只許同麋鹿

自愛詩書靜裏忙

豐草茸茸軟似茵
長松鬱鬱淨無塵
相逢盡道年華好
不數桃源洞里人

題太史楊公山居圖

元張翥

湖上山居好
奎題壓翠微
煙霞收舊色
林壑發清暉
松晚看書罷
荷涼坐釣歸
圖中有真趣
須此挂朝衣

題山居圖

元陳高

層巒積翠色
中有嘉樹林
幽人此避世
結屋山之陰
攜

琴出山去獨懷千古知音不可見歸路白雲深

山居圖 二首

元鄭元祐

卑棲拙謀身曠望時縱目山氣曉亦佳燒痕晴自綠鑠
金攀松屑解纓濯巖瀑幽懷良自怡誰云有延促
惟是安僻境本非薄榮名松根聽泉坐溪邊看雲行夜
雨下黃葉春風開紫荊物理有代謝古人誰獨生

題山居圖

元陳基

曉出城南二里餘鳥啼花落暮春初杜陵韋曲山無數

何處林塘可卜居

題山居圖

元 楊維禎

千澗沄沄一徑通
長松盡入白雲中
微君更在深山處
滿谷桃花爛漫紅

題李遵道山居圖

元 倪瓚

披圖慘不樂
日暮渺余思
坐石看雲處
空齋對榻時
世途悲在苒
墨氣尚淋漓
惆悵騎鯨客
於今豈有之

題山居圖

元 錢惟善

婆婆夏木蔭清湍終日看山罷釣竿絕跡不交當世士
野橋無路蘚花漫

山居圖卷

元錢選

山居惟愛靜白日掩柴門寡合人多忌無求道自尊
鵬俱有意蘭艾不同根安得蒙莊叟相逢與細論

水竹山居圖

元吳鎮

結茅山陰溪之曲最愛軒窗對修竹四時謾謾動秋風
三徑蕭蕭夏寒玉也知一日不可無彼且惡乎免塵俗

夜深飛夢繞湘江廿五清絃秋水綠

題劉文偉府判收藏山莊夜歸圖

元

龔璠

盤桓長松樹莽蒼歸薄暮惟應門外山見我蹇驢去冷野水聲候子莊上路亦有東林僧分臥清寒處

題高房山寫山居圖卷

并序

元仇遠

大德初元九月十九日清河張淵甫貳車會高彥敬御史於泉月精舍酒半為余作山居圖頃刻而成元氣淋漓天真爛漫脫去畫工筆墨畦町余方棲遲塵

土無山可耕展玩此圖為之悵然而已

我家仇山陽昔有數椽屋誤落城市間讀書學干祿井
枯竈煙絕況復問松菊如此五十年一出不可復高侯
丘壑胸知我志幽獨為寫隱居圖寒溪入空谷蒼石壓
危構白雲養喬木向來仇池夢歷歷在我目何哉草堂
資政爾飯不足視吾吾尚存吾居有時卜

雙鳳山居圖

元張翥

雙鳳山人茅作屋五雲閣吏繡為衣寫將瀟洒滄洲趣

留待風流二老歸歲月無情遺墨在江湖多事宿心違
寒藤古木江西道惟有當年白鴈飛

錦城方天瑞玄英先生後人得白雲山居圖彷彿
桐廬山中隱所舜舉真跡別有一種風致漫系
以詩

元 仇 遠

翼翼山千朵蕭蕭屋數間石崖不可渡門徑幾曾關綠
樹經秋在白雲終日閒依稀鏡湖曲西島水迴環

題長白山居圖

明 宋 濂

滿地雲林稱隱居
燕泥污我讀殘書
五更風急鳥聲散
時有隔花來賣魚

題松鶴山居圖

明 貝瓊

仙客廬敖東海頭
好山百轉接丹丘
開田種玉一千頃
閉戶讀書三十秋
雲氣上天如白鶴
茯苓入地化青牛
年來浪迹吳淞道
夢裏猿聲憶舊遊

題陳允中山居圖

明 徐賁

昔年為客處
看圖懷故山
今日還山住
儼然圖畫間
泉

來繞蘭徑月出對花闌應知農事畢高坐有餘閒

題胡玄素畫山居圖

明徐賁

幾度尋幽到澗阿荒谿峻嶺入煙蘿白雲九曲人家少
黃葉千林虎跡多試茗就當泉上飲看花須向酒邊歌
相逢重憶山中客獨對新圖奈別何

霅溪翁山居圖

明楊彝

門前野水可通漁雲裏草樓方著書好山誰臨北苑畫
斷橋我憶西湖居塵埃自著鷗鷺外霜露正當鴻鴈初

為報秋風搖落早梅花消息近何如

自畫山居圖歌

贈宜興朱隱君地理專門

明虞堪

朱侯有隱居乃在宜春間東遊久未已浩蕩忘其還山
川神氣具在眼窮幽蹟隱知何限黃河之源出崑崙千
里萬里盤旋屈折支天根自從開闢分九州大噫噓噓
生氣浮繇延直接無盡頭奔澎不息入海流海門限水
迴蛟蜃碣石排風駐馬牛從此山川極甌粵秦王之石
禹王穴朱侯朝覽赤城霞暮看山陰雪山陰溪中釣魚

者舊廬亦在青城下胷中丘壑渾天成手把風雲自揮
灑官靄外鴻濛前來龍起伏頃刻真宛然長松古檜亦
偃蹇不似草草生風煙朱侯長相見談笑共刮目脫屣
白石上滄浪歌濯足愛山之癖奈侯酷聊以尋幽畫茅
屋青山隔溪轉白雲就簷宿不短挂猿藤頗長棲鳳竹
畫成送侯當早歸越來溪傍花正飛春山蕨長薺菜肥
何待滿樹風雨鉤輶啼朱侯朱侯此別勿歎息一飯勸
君當努力但將雞犬深入雲莫管桃花盡狼藉此畫掛

向草堂壁讀書萬卷守勿失從教門前泥潦三尺深掩
柴門莫輕出

題山居幽趣圖

明王翰

幽人愛岑寂林下築幽居觸石雲生谷通泉溜決渠鶴
眠春院靜猿去晚林疎時有採芝客商歌振碧虛

為常上人題在山圖

明僧麟洲

一塢好山看數日山山看盡又重看年來木石同心性
老去煙霞入肺肝春草澗深流水歇夕陽鐘早宿禽安

為僧祇合於斯住些子塵中事不干

李道人家山圖

金
麻九疇

見說高齋住太行溪山襟帶古祠堂
圭桐葉落周家雨
鐵樹根盤晉國霜烽火不堪耕夜月
畫圖猶可挂殘陽
自憐不及汾州鴈春去秋來過石梁

題裕之家山圖

金
趙元

繫舟盤盤連石嶺牧馬澄澄倒山景
山光水氣相渾涵
中有元家舊廬井鴈門一開豺虎場
駕言投迹山之陽

青山偃蹇不可將十年竟墜兵塵黃東巖風物知猶在
說與寄庵神已會一揮淡墨能似之清輝遠寄形骸外
元家故山我與鄰夢見不如畫圖真舊曾行處聊經眼
未得歸時亦可人

題裕之家山圖

金
劉昂霄

萬里神州劫火餘九原夷甫有餘辜作詩為報元夫子
莫倚家山在畫圖

郭氏家山圖

元
劉因

塵門煙影接隆中
翁媼通家社酒紅
只有山童最神俊
舊曾牀下拜龐公

鄉山圖

為魏仲房題

明章敬

連山際東溟層巒儼天設
陽林耀青葩陰崖餘積雪
原田莽迢遞煙霞互明滅
時菊萎舊裳蒼苔闕行轍
雲谷杳難尋澗芳那可掇
懷故念易盈覽物意彌結
游目愜心賞幽期緬乖缺一為莊舄吟浩歌徒激烈

題水邨圖

元龔璘

澤國漁無定秋霜柳不彫幽人意晚晚此日畫蕭條

寄題惠山華氏溪山勝槩圖

元柳貫

山如尊卣溪如籥洗刷秋山出深秀市塵飛不到亭皋
翠幌珠簾閒白晝主人晏坐與天遊收拾至樂歸之酒
絲管暗暗大雅筵荃蘭泥泥離騷園以心觀心乃如此
更為溪山發神腴水榭寨開尋丈間物華捷出雕鏤右
客來問石石忘言客去留雲雲為守惠山山中第二泉
水品古今誇滿口井幹餘泣溢為瀾落毳飄來鳥驚救

高人但取一賞足擇勝誰能占幽茂兩腋清風起振衣
百年陳迹供回首寄聲鷗鷺莫相疑還我靈龜養耆壽

題雪上張元之溪居卷

元
陶宗儀

清溪流水平雲關處士高標玉筍班虛館數楹愚剡似
好山十里畫圖間風前楊柳枝枝弱沙上羣鷗箇箇閒
煮茗汲清童子小引雛哺果鳥聲蠻斫魚自可開尊俎
肅客何妨響珮環避世武陵同絕境濯纓還許散襟顏

溪居圖

明
李進

畫裏溪山好，溪亭事事幽。
闌干三面水，風月四時秋。
野老時分席，漁人每繫舟。
此中容隱逸，何用覓丹丘。

題林泉雅趣圖

贈杜玉泉

元謝應芳

泉翁愛山如愛客，到處好山皆莫逆。
脚根不涖京洛塵，面紋長帶煙霞色。
奚童抱琴翁曳屨，長日山中看流水。
萬松清籟響如絃，滿地白雲吹不起。
桂花蘿月秋復春，野花幽鳥情相新。
巢由相去數千載，黃綺以來能幾人。
山巔水涯風物美，都在我翁詩卷裏。
莊周夢蝶蝶夢周。

覽是圖者同天游

張禮部溪山真樂圖

元 許有壬

悠悠春天雲想見平時閒獨遊溪橋上暮宿山堂間澹
然不知愁亦復忘所歡出山初無心既出還思山蒼生
待霖雨欲歸良獨難山堂悵何許蕭蕭松桂寒

王叔明林泉清話圖

元 吳 鎮

落日秋山外霜林莫靄中相者無俗處生事有誰同

題林泉雅趣圖

元 丁鶴年

清江白石帶疎林樊口幽居尚可尋
夢裏草堂無恙在秋風春雨總關心

溪山入夢圖卷

明
李日華

釣罷輕舸且蕩煙遠山遮盡近留巔
不須更怯笳箏雨江樹低梢好繫船

李野齋別墅圖

元
索楠

別墅依平陂翳翳桑麻陰田翁理農具
晴雲起遙岑於時春事初佳樹響鳴禽
先生朝出遊呼童佩瑤琴仲也

行比肩叔也聲相尋興至或坐石臨流散虛襟有客攜
酒壺勸我手自斟共言羲皇時古風藹淳深巍巍居仁
里盛德世所欽三鳳在高岡參飛起清音恂恂化卑讓
歲往猶傳今披圖儼見之慰我夙昔心

題朱澤民所藏段吉父應奉別業圖

元

貢師泰

遠山何盤桓近壠亦連屬潛飈礪陰崖鮮雲蕩陽谷飛
樓表層巔石梁跨懸瀑參差衆樹丹天矯雙松綠誰與

契嘉賓雅會諧所欲臨流引霞觴拂石羅野蔌開圖對
華軒聊以慰貞獨

題段吉甫助教別墅圖

元余闕

玉署挂新圖知君舊隱居峰高詫霞上葉變是秋初遊
客看常在溪聲聽却無只此同登望豈必命柴車

題孫宮允貞甫松江別墅圖

三首明廖道南

雲林開鶴圃池館入鷗波竹塢縈芳草松軒裊綠蘿湖
光天外盡山色雨餘多誰識幽人思江舟一釣簑

獨愛雲間國幽棲江上山洞天增地勝沙月伴人間池
挹芙蓉秀林滋芝蕙顏緬聞長嘯處仙馭杳難攀

遙憐天上侶宛在水中居倚樹看雲起移花趁雨餘琅
函仙子錄石室史臣書盡日窮幽事濠梁獨羨魚

江邨別墅圖

三首

明薛蕙

竹翠周遭戶外溪聲直達牀前兩耳不聞車馬四山只
有雲煙

石磴初安茶臼篆煙時拂紗牕天外青山歷歷門前白

鳥雙雙

日暖茅簷燕舞風輕牆角花紅手把黃庭一卷坐消滿
榻清風

題宋春卿城市山林

元 郭 昇

功名身外聊復爾丘壑胷中實過之盤谷壽康懷李愿
輞川瀟灑友王維何人使氣鐵如意老子放懷金屈卮
市井收聲良夜永竹風山月亂書帷

題城市山林圖

元 陳 旅

城市山林路不分
畫橋騎馬是徵君
樹頭粉蝶連青嶂
陌上紅塵亂白雲
水港柳深鶯喚友
陽坡草暖鹿為羣
滑稽誰似東方朔
更向金門避世氛

王叔明邨舍圖

明
吳寬

田間雨過騎秧馬
箔底煙生餞火蠶
偶省王翁邨舍景
脩然午枕到江南

邨居圖

明
僧妙聲

東邨有隱者
素髮飄垂領
几上種樹書
門前釣魚艇
杭

徐風露深葭莢水天永雲飛洞庭小花落春戶靜懷哉
古逸民披圖發孤咏

題郁氏古邨圖

明僧智舷

仲夏喜無事披圖探野趣不離方寸間寫出幾邨樹鳥
道入高冥人家在煙霧溪口挽釣船草際橫橋路是誰
幽棲士遺韻宛如故掩映屋東西松竹凌霜露

御定歷代題畫詩類卷四十六